



Vita de ploania y de paisc

- **Ocio - Domegna dai orí:** la benedisciu dal belorí gnará tignida sön paiun y al tolará pert adöm a signor ploan ma i ministronc y n grup dal cor del dljia. Nos sun düc porchel periés da jí belo denant te dljia! La prozesciu con le belorí sön dljia gnará ma fata da signor ploan, acompagné da ministronc y cor. Le belorí benedí pón jí da do messa ennant jö da paiun a se do.
- **Ocio – Sabeda Santa:** la benedisciu dal fū y dal cere da Pasca gnará tignida sön plaza y con signor ploan tolará ma pert i ministronc. Nos sun porchel düc periés da jí belo denant te dljia! La prozesciu con le fū benedí te dljia gnará ma fata da signor ploan acompagné da ministronc.



Enformaziuns y termins

Sorvisc ai Jogn: le SaJ Val Badia met a jí i **"Dis de preparaziun al maridé"** dla sabeda, ai 29 de ma dales 9:00 ala domenica, ai 30 de ma ales 16:00. Le curs sará por ladin (a pert le referat dla efom Julia Cappelletto, che sará por todesch). Le program preveiga referac y formaziun tai ciamp dla comunicaziun, relaziun, spiritualité, sanité y dert. I refenc sará Kastlunger Lois (coordinadú), Siur Moling Markus (preo), Pedevilla Christian (avocat) y Cappelletto Julia (efom). Le curs é limité a 14 pers y por che Osta prenotaziun á valüta, Ves periunse da telefoné te SaJ, ☎ 0474 523070 cina la jöbia, ai 13 de ma. Le cost é de 180,00 € a per (curs + 2 iadi marena).

"La Spona" lascia alessei che la botega é endô daverta dal lõnesc ala jöbia, dales 8:00 ales 15:00, le vendres dales 8:00 ales 12:00. En Vendres Sanc y en lõnesc da Pasca édl stlüt. Al é ince de vigne sort de produc nös y scincundes por Pasca.

Test COVID: en dedemesaledema ai 24 de merz é piada ia la poscibilitá da podei fá tesé antigenics debann tla staziun "Drive in" a Badia, sot ala scora elementara. I tesé pó fá düc i residenc y dötes les porsones con post de laur tai comuns dla Val Badia, vigne lõnesc, dedemesaledema y vendres dales 13:00 ales 15:00. Les prenotaziuns pó gní fates online sot a <https://app.no-q.info/badia-abtei-covid-test-center/checkins/> o por telefonn te Comune, ☎ 0474 503750 (Alma Rindler).

Fodara Vedla: le Comun de Mareo chir en famei/na fameia por la munt de Fodara Vedla: ca. dai ultimi de jügn cina ca. mez setember. Che co ess enteres, dess s'anunzié te comun al ☎ 0474 503755.

Döt le bun a: a düc chi co á santennom y compless i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 0474 500978 o ✉ ploania@gmx.net
Download plata: www.unitepastorala.org




Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann B

28.03.2021 - domegna dal orí
FESTA DAL INGRES DE GEJÚ A IERÚSALEM

n. 18

O - san - na_al Fi de Da - vi - de, O -
san na_al Re - den - tur.

☞ Is 50, 4–7 | Fil 2, 6–11 | Mc 14, 1 – 15, 47 (15,1 - 39)

Dal Vangelo do San Merch:

[...] ⁴Sön chera éσαι jüs y á cíafé dan na porta sön strada n müsc jonn taché, y ai l'á destaché. ⁵De chi co ea danló ti á dit: Ci ves tómel pa ete da destaché cösc müsc? ⁶Ai ti á respognü ci che Gejú ti á dit, y an i á lascé fá. ⁷Ai á condüt le müsc jonn da Gejú, á motü sū guanc sön le tier y spo s'ál sonté lassora. ⁸Y trec destenea sū guanc ia por tru, d'atri tirá ia brüscas dai ciamps y les sternea ia por tera. ⁹La jont co ti jea danfora y co ti jea do scraia: Osanna! Benedí sides chel co ven tal ennom dal Signur. ¹⁰Benedí sides le regn de nosc pere Davide co ven sen. Osanna alalt!

I ponsun do: La iubilanza dan lerúsalem n'é nia por n potent, mo a chel el co dará ca, püc dis dedô, söa vita. Chel co ti fej festa a cösc Gejú dess ponsé sora, tan sonzier che so sentimont é miné. Deache gnanca encö ne ván empara sön les strades leries dal suzes de cösc monn mo sön les semenes strontes dles bries y dal sacrificze.

I periun: Dio onipotent, to Fi s'á arbasse cina ala mort söla crusc y á tut sön söes sciabes i picés dla jont. Deidesse ch'i tignunse fora desco el i dolurs dla vita y rounse ala gloria dla ressureziun. Por el, Crist, nosc Signur.

Vesco Wilhelm Egger "Sonntagsbibel"



☞ Letôres dla GRAN FESTA DE PASCA:
St.Ap 10, 34a.37–43 | Col 3, 1–4 | 1 Cor 5, 6b–8 | Jan 20, 1–18

LITURGIA DL'EDEMA SANTA

DOM 28.	domegna dal orí FESTA DAL INGRES DE GEJÚ A IERÚSALEM	<i>Guntram, Wilhelm, Ioana</i>
08:30 ora da disté! 10:00	funziun de benedisciun dal belorí gran messa por dōta la ploania con la Pasciun do San Merch s.m. a Al Plan	
Lön 29. 18:00	dl'edema santa <i>Helmut, Wilhelm, Ludolf</i> s.m. a Al Plan	
Ded 30. 07:30	dl'edema santa <i>Diemut, Roswita</i> s.m. en onú dai Angeli Custodi s.m. por na persona pūra s.m. por i †† dla fam. de Dolo y Frida Agreiter, Brach	
Dem 31.	dl'edema santa <i>Cornelia, Guido, Benjamin</i>	
Jöb 01. → 19:30	JÖBIA SANTA <i>Irene, Hugo, Gilbert - de d'oraziun do vocaziuns</i> s.m. dl'Ultima Cena de ringraziamont por l'Eucaristia y le Sazerdoze, s.m. por † Signor Merch Graffonara, ploan <i>grup dal Cor</i> adoraziun dal SS. Sacramont tla „Fossa Santa“, velia con la Joneza	
Ven 02. → 15:00	VENGRES SANC <i>Francesch de Paola</i> → <i>jain y astinonza dla cern</i> liturgia dal Vendres Sanc con la Pasciun do San Jan adoraziun dla Santa Crusc → oferta de Carsema	
Sab 03. → 20:00	SABEDA SANTA <i>Richard, Elisabeth Koch</i> funziuns dla Net de Pasca : benedisciun dal fū y dal cere, “Exultet”, liturgia dla Parora, s.m. ciantada por benefaturs vis y defonti benedisciun dal'ega y renovamont dles empormetüdes dal Bato <i>grup dal Cor</i>	
DOM 04. 08:30 10:00	GRAN FESTA DE PASCA <i>Isidor, Konrad, Heinrich Richter</i> salüde ala festa, “Vidi aquam”, gran messa ciantada solena por dōta la ploania, benedisciun dal signé , <i>oferta por la ploania</i> <i>Josef Haydn, “Kleine Orgelsolomesse”</i> s.m. a Al Plan	
ampola:	por la fam. Gabriel y Lucia Mayr, La Pli	
ministronc:	• dedolönesc: Daniel y Andreas por les funziuns dl'Edema Santa él gnü parti fora en program a pert	
i recordun:	Sr. Ludovica, Notburga Mühlmann, <i>Balsan</i> † 29.03.2014 Maria Kehrer, <i>Porsenu</i> † 30.03.2012 Maria Agreiter ved. Chizzali, <i>San Martin</i> † 31.03.2012 Maria Cecilia Willeit, <i>Bornech</i> † 02.04.2019	



Der Weg des Palmsonntags



Über dem Weg des Palmsonntags liegt schon der Schatten des Kreuzes. Ich glaube, Jesus wusste das und hat sich von der Begeisterung der Menschen – so ehrlich sie auch war – nicht täuschen lassen. Er reitet nach Jerusalem im Wissen um das, was kommt – und nimmt es an. Nimmt den kommenden Weg an als den wahren Weg, nicht als den, den er am liebsten gegangen wäre.

Der wahre Weg ist der, den ich annehme als den meinen und mit Haltung und Tapferkeit auch dann zu gehen versuche, wenn es nicht mein liebster Weg sei sollte.



Du brichst das Brot mit uns.



Du wirst gebrochen.



In dir werden wir alle ganz.



La Bibia cuntada ai mituns (12)



I apostui cunta ennant la noela de Gejú

Gejú â trec amisc encer el ia. Dodesc de chisc ea der emportanc. A ei ti ál afidé le compit da encündé söa noela. An ti dij „apostui“. Ince cōsta parora ven dal lingaz grech y o dí „portadú“ o „diplomat“. Önn de chisc apostui ea ince Pire. Pordert êl peiapesc y Gejú ti â dit ch'al foss gnü en de „pesciadú de jont“.

Pire â encündé la noela de Gejú a Ierusalem. En n'ultima él roé a Roma y é gnü en vesco der emportant. Desco vesco da Roma é le Papa aldedancö en suzessur de Pire. Paul n'alídia nia da empröma encá pai dodesc apostui. Al â encunté Gejú dan Damascus te n gran lominus. Ensciö âl capí che Gejú ea rosserí y ch'al viea y cōsta noela orêl co gness cuntada ennant a düc. El é ince sté le pröm co ti á cunté a porsones nia iüdes che Chel Bel Dio ti ó bun y é atló por ei. Paul á fat trec iadi y vit trepes aventöres. Al á motü sö comunités endlunch y canche al éa sön le iade ti scriêl leteres.

Les leteres y i scric dai apostui ea der emportanc por i pröms cristiagn. Con chisc emparâi da capí miú la fede cristiana. Les leteres de Paul é particolarmonter de valüta. Ares é gnüdes scrites jö y dades ennant der gonot. Ince aldedancö vegneres lites dertan les funziuns liturgiches.

Tla storia dai apostui á l'evangelist Lūca scrit sö trepes stories che Pire y Paul á vit y ensciö pón lí co che la noela de Gejú s'á slarié fora entres deplü.